

忠雅堂文集

忠雅堂文集卷二十九

詞二

鉛山 蔣士銓 心餘

銅絃詞下

虞美人

丙子九月廿六日盡室登舟北行紀事二首

宦游且自浮家去浮到何時住親闕甥館兩船分

時媒備饌四撰北秀才初婚偕生

明鏡香奩各向小窗陳團樂咲語鏡前共相對猶疑夢出城

纔覺一身輕展放勞筋百事暫消停

衰親弱婦多勞苦清瘦都如許今朝安穩謝塵緣問餽相循不

許再牽連秋光空闊天涵水放眼同歡喜全家移向畫圖中

領略江山不願滿帆風

邁陂塘

舟次寄別棣可玉亭二首

怪西風聚來鴻影又將兄弟吹散自從雞黍登堂後心在壽萱
花畔雅頭粲縱不解風詩解捧留賓案從容一飯有無限清言
霏霏玉屑斜日照簾蒜依依處別緒幾多零亂津頭自上青
翰生得同時又同母底事雁行分斷江南岸和病婦慈親思念
增長嘆一條河漢把天上星光人閒山色隔作幾般看
想綺窗琴邊書畔離懷一樣相憶添得銷魂幾多話目斷江天
無極捫胸臆既相識如斯不若休相識親聞難卽但計算征途
丁寧母弟前路慎眠食留不住慚愧石尤無力去帆千片如
織故鄉正可遲遲去爭奈銅鉦催逼緇塵域嘆釵珮衣冠知己
都難得老天催抑教北客來南南人往北又不插雙翼

醜奴兒令

三十二歲初度泊濟寧州二首

年光得得恩恩去二十黃州三十蘇州懶去重登太白樓
青山黃閣傳何事半爲閒愁半爲忙愁聽雨江湖易白頭
膝前長跪慚潘令感上心來悲上心來那得高堂咲口開
傳舟沽酒團樂飲婦拔荆釵妹拔金釵周膝今朝卻是齋

賀新涼

送吳蓀圃舍人返南昌三首

不是蘆中士莫便嘆士之不遇悲歌如此初日年華未三十
驗取朱顏鏡裏騎款段暫辭燕市草制綸扉須健筆揆天庭讓汝
才清綺上林樹此枝美與君今世生同地況又是十年同舉
同心兄弟小作升沈添悵惘僕亦因愁幾死纔浣卻衫襟前淚
此淚春風渾不管記劉郎前度傷心只君且臥紫薇底

鵲語人歸了恰正是高堂日永紅樓春小慈竹連枝添古翠籠
定椿華萱艸共對著芝蘭微笑游子捧觴同上壽願銜書歲歲
來青鳥兒去寫鳳銜詔明年買定沙棠櫂自結束鏡奩鍼管
詩筒茶竈花月春江同泛泛手訂和鳴新稿纔興起相思儂懊
轉憶秋衾黃葉館愛人呼小朱聲音好試訴與可煩惱

側帽隨秋去消受者曉煙山店夕陽紅樹大呖孤邨銍一點子
此解鞍而住是馬食僮眠之處料得主人清夢少問東鄰誰唱
黃河句盼不上紙窗曙蕭蕭林莽雅無數畫一幅秋山行旅
亂愁堆絮豈必飛騰感遲滯對此本無歡趣算一帶荒原古戍
有我征魂拋擲下倩歸人尋著同他語十年淚雨奔注

水調歌頭

崑山徐芝山小照

東海不復見世德重清門絕代流風餘韻披拂見遺芬喬木廣
留嘉蔭叢桂濃堆別業秋色正平分倚樹讀書者金粟是天君
淮海氣書畫手宰官身合向木樨花畔添寫月中人妾本笑
蓉豔豔郎似紫薇丹丹黃色到睂痕衣上暗香襲底用換鑪熏
蜨戀花

桂樹詞

長安何處天香滿絕好園亭不是淮南館獨坐圓蒲無箇伴陌
頭花謝人歸緩月榭風亭閒領管睹豎羊疊歲歲成疎嬾讀
倦拋書尋茗椀倩誰偃得桃笙暖

念奴嬌

病中柬友人牡丹宴集

燕支如雪正清明天氣催花風緊百寶闌邊結束了飛燕新妝

嬌靚膩臉朝酣畫衣香染卷起千堆錦謫仙猶在酒邊肯教人
醒 咲我斗帳垂煙綠窗孤負了箇儂春寢國色當筵想花神
也念相如多病庭院深深有酒客尋芳慢嫌官冷斜陽來看滿
身都是花影

賀新涼

朱震江席上醉歌

醉也看吾舌儘人呼說詩匡鼎冠纓索絕犀筋鸞刀行酒處玉
版銀絲紛切算不若春郊射獵耳後弓弦餓鴟叫解花韉坐飲
黃塵血吹短竹石俱裂 偶然各問筌篲妾游戲耳才人好色
都無磨折同是倪迂書畫壻姊妹挑根桃葉咲兒女英雄雙接
帶酒休歌三婦豔唱烏烏且擊純鉤鐵誰讓爾朱家俠

良淘

荅玉亭二首

愁味比秋濃雨滴疎桐來書似有淚痕封夢裏癡人爭盼醒醒也恩恩聚散已朦朧目斷賓鴻酸酸楚楚付西風諸想不生諸病滅心算玲瓏

潯州一年年人似蠶眠玉堂清冷興蕭然解憶江湖飄泊苦我亦號鵑塗抹衍波箋短咏長篇欲將身化嶺南船送爾仙山樓閣上揮手雲煙

摸魚兒

宋懋庭觀察杏花春雨圖

別燕雲軟紅塵土板輿一兩輕御夢魂先到江南岸畫取尙書詞句紅幾樹待小建花坊碎錦親題署黃鸝相遇認舊日使君朱陳邨裏乍暖勸農路燕支塢坐領滿身香露壽觴歡進無

數醉來可憶長安陌二月街頭賣處將母去至樂在田園此事
教人妬好春遮護索半臂侵寒紅妝舉燭續撰遂初賦

瑣窗寒

吳杉亭舍人席上分咏璫帷

冷氣難侵寒威自遠一層遮定森嚴堂戶終日帖然平正咲銀
鉤動搖讓牠壓住狂飈勁配冰天雪窖褐衣毳幕者番相稱
休望孫康映儘簾額窗櫺霰飄霜凝湘紉蜀錦媿爾龕疎情性
翦青茸縣來小門主人疑是王子敬鎮朝昏不卷茶煙香篆收
藏併

賀新涼

題畫

小榭圍香雪是詩人是花是月一般清絕半畝玻璃浸疎影疏

映水中蟾魄消受者玉壺冰潔不倩梅花爲眷屬有茜香髻婢
篴篴妾春意蚤暈紅頰一枝橫竹聲鳴咽算不比落梅風裏
江城五月誰焙駢笙誰擷管把闌干輕拍與鄧尉孤山無涉忍
著清寒辭半臂愛梅心定不因人熱持此意向花說

青玉案

自題空谷香院本

幽蘭偶現嬋娟影把苦趣都承領歷歷摧殘多少境尋常姻眷
幾番生死劫滿天纔肯珠圍翠繞須與頃廿九年華塵夢醒
只恐香名隨骨冷商聲譜就三貞九烈淑女當思省

水調歌頭

熊滌齋前輩秋江垂釣圖二首

一葦載翁去豈有羨魚情爲愛秣陵秋色獨泛大江橫不是磻

谿隱士不是富春男子不乞鑑湖清三朝瀛海客八袞老先生
喚農父引牛牧名樵兄醉向白蘋洲畔把酒問長庚人頌起
居八座翁戀煙波萬頃咲與鷺鷥盟何必赤松子遯迹采黃精
一載住京國戶外滿朱輪就問朝廷掌故聲望鼎彝陳六十年
來三老八千歲中喬木翁是漆園椿風流文字飲饗鑠謫仙人
買歸權輿魚具理絲繡暫別蘭陔馨膳游泳率吾真不列玉
簫金管只載法書名盡去結米家隣來歲桂叢發重到作嘉賓
明年已卯翁當重宴鹿鳴

滿江紅

壬午京兆閣中戲作咏物八首

毛穎先生新除授蔚藍天使青眼內生平不識楊朱墨氏翠壁
閒題應滅迹綠天徧寫難尋字艸新詩待借碧紗籠添螺子

黛眉恨何關爾青衫淚多由此判升沈一句辛苦三年悲喜疎
密圈平聲來方入殼縱橫抹去非知己比盧公老臉坐中書操生
死蓋筆

判姓分銜縱五尺二分寬窄雕鏤出一行細字堪陪玉尺左右
分陳監試案收藏不到司衡席認經房卷面印分明存稽覈

天人界鴻溝畫雲霄路函關隔發軍符好風吹送幾行飛翻半
喜猶爭文字命終身已注師生籍抱遺珠借慰老儒心嗟何益
薦條

束筍投來展素冊分行羅布指星宿三垣列舍各依躔度面貌
難猜醜蔑醜姓名那識顏標誤待揩摩老眼認參軍如遮霧
白圭玷青蠅污兼金屑黃沙淤自披尋斜斜整整蟲魚夾注愛
者兼存題品字棄之還載瑕疵句比文昌祿籍更分明堪憑據

經筵便便知不等巾箱儲蘊歎燕石豐年難售匱中重韞趙括
殘兵同一泣田橫義士都相殉待求他藥籠貯黃楊徧逢閏
冬烘冊陳年券魚豕字失義韻向此中沈淪苦海地天俱悶躍
冶豈無干鎔寶藏鋒偶作鉛刀鈍祝他年拔宅共飛昇休長困

落卷箱

比並堂餐計日進紅箋一紙十八品盤中餽釘米鹽羊豕魚缺
寧生馮缺嘆蔬多恰稱樊遲鄙大官廚日費萬千錢如斯耳
饕餮客心何喜嘗騰僕飽欲死尋思到小人有母尙無甘旨減
食聊存啜菽念斷葷竊養齋居志咲先生果腹不多時瓜期矣
供給單

來自田間代老婦燔柴於爨消受煞殘杯冷炙餘薪燼炭奪得

瓜壺魚鑰底受來鞭箠風簾畔比杜陵詩老灌園人獠奴段
雞鷄食低斜看井臼利偷閒算還細問官人門第居何里閨媚
寵深知求福理戛戛定少封侯願盼歸田乞肉遺山妻譁然散
鄉廚

黃卷青鐙二十載紙窗消受分給到九根銀蠟冰壺明透照我
量才分玉尺讓他修史圍紅裏記風簾默坐盡三條聽寒漏
耀赤字珠輝秀映彩筆銀花茂晃朗到斗光神眼虛堂左右淚
盡不知歌舞席心灰直到文昌宿炳元鐙炯炯日中天長如畫
官燭

祝祝呼來佐公膳卻分雙隻一拳耳不成毛羽休論肥瘠酷似
小兒窠內老待尋道士籠中易奉高名取咲冠同羣予滋戚
不爾殺知無益必自斃生何迫可記得斜陽邨塢于時于桀深

院教植名士牖後車載去淮南宅有茅容明日飯林宗非疇昔
題辭

解連環

燕子磯獨眺

江流日夜問六朝人物爾何爲者三百年龍戰元黃但歌舞荒
淫風流儒雅醉夢興亡又節次欺人孤寡放千尋鐵鎖一片降
帆妝點圖盡幾處殺人盈野算偏安纔過幾王幾霸說天塹
虎踞龍蟠被風月罵花幾番誤也眼底蒼茫賸燕燕于飛上下
訴當年故國山圍空城潮打

滿江紅

平臺讀書

伏几昏昏卻又是困人天氣寧耐著飛花庭院落紅鋪砌藥鼎

聲微窗轉日茶煙風軟簾垂地抱新愁扶病幾登臺無情思
隄上柳駢黃膩隄下鰾魚鱗細掩暝出芳塍宛轉荷鉏人至學
稼難耕歸去土浮家悔識飢來字聽飴簫社鼓一聲聲春如是
水調歌頭

楊默堂侍御江湖聽雨圖二首

夢醒簷篷底一點一聲秋密密疎疎浙浙聽偏不勝愁數朵濕
山如黛兩岸蘆花似雪白了旅人頭誰識繡衣客轉憶綠蘋洲
是僧樓是羅帳是扁舟觸惹平生心事仕宦苦沈浮忽見魚
生牀下又聽鼃鳴竈底難得喚晴鳩檐溜洒空下多半作浮漚
何處乞漁艇應怪雁聲遲多少青山紅樹誰唱去來詞想到平
岡古木夢落橫塘小岸各自有相思莫笑伯時嬾公尙在京師
水粼粼石齒齒離離人生轉境堪念悵惘槩如斯只好臥

游茲澤便是燕居清曠真箇欲何之
煙水接天闊讓與白鷗嬉

醉江月

自題歸舟醉吟圖二首

載書一艇似乘興而來興盡而返回憶出門西向咲此意頓成
疎嬾徧友時賢細參世味兩鬢緇塵滿長卿倦矣雲山是爾歸
伴 去年燕市相逢九門風雪酒罷眠孤館折到旗亭煙外柳
小別也堪腸斷初日年華謫仙標格天未容蕭散冷吟閒醉放
君暫作稽阮

布帆無恙是獨往獨來不同飄泊越鳥尋巢歸翼健送喜聲傳
乾鵲辟蠹香濃浮蛆鬻滿竟把虛舟縛無心出岫依然去臥巖
壑 憶我當日歸舟也曾盡取白舫青油幕不道十年成罪案
人罵樊川輕薄事等煙雲君攜圖史檢點波濤惡時來風送明

年還到京雒

玲瓏四犯

題落花圖爲友人悼亡姬

滿地燕支是無情有恨不堪多
數春色三分已作二分塵土回
首燕掠鴛鴦消受到五更風雨
想絲窗病眼嗁妝千片淚痕如
許隔簾誰唱山香舞可憐人亂
紅辭樹柳綿榆莢愁多少同
做香泥辛苦彷彿倩女離魂又
似荀郎淒楚待來春花放三生
石上重語

賀新涼

明餘杭知縣府谷蘇公

萬元

殉節哀詞二首

寇至無人抗歎孤城丸泥失守
誰當屏幃舊令歸田遺一老肯
復去先民望露白刃與公相向
亂世之人爲賊好勸先生冠改

黃巾樣得富貴且無恙 公怒眦裂聲何壯看微臣此時心目
海天空曠願脫齒牙爲劍戟一罵豕蛇都喪賊顧曰是真倔強
爾不我從須賂耳奈窮官壁立無封藏但斫此好頭項
利刃環而下血淋漓浩然之氣與刀相射賊技如斯堪一唾公
乃憑虛而駕看府谷荒城斗大中有孤魂垂白練照河山不許
秦關夜萇宏恨豈能化 鄉官義烈南雷亞惜當時寸權尺土
一無憑藉過客哀歌還擊缶淚湧渭橋清瀾公有後士之良者
作吏羣公遺愛去向餘杭酌酒公祠舍述祖德定悲咤公裔孫進
龍士中進

士龍泉令

偕吳蓀圃舍人西郊踏青飲譚振之書齋

花信風猶淺有詩人隔城先折尋芳小東閣仙郎初下直拉
取春愁同遣恰煙柳麴塵初碾行到仙源流水外吹劉郎忽有

桃花犬似雪夜剡谿轉 艸堂爲郭經帷卷愛康成聰明弟子
鳳雛聲轉留客盤餐兼味列供給寧嫌市遠是真意觥籌繼繼
人海中閒尋舊雨儘當前放取金尊滿還料理踏青眼

劉丈小像

方丈蓬萊裏有神仙大都皆是賢人君子五利文成荒誕者鬼
伯豈容方士翁立命居仁由義生氣無虧生理足喜歡心便可
長生矣不死藥妄言耳 石稜秋露先生履拍洪厓此都真有
洞天福地好飲耽詩還結客一咲黃金泥滓辭包產讓之予季
孝友在躬天與壽抱遺經付爾趨庭鯉道書錄可焚已

邁陂塘

題潞河送客圖餞蔡蘭圃

以臺歸覲次戴匏齋韻二首

指南天鴻來燕去河干閱盡車馬天涯修禊無多友卻又送君

行也花信寡只一樹長條斜映離亭寫文章新價想扁舟過處
還如鸞掖傳說姓名雅 吾廬在不等求田問舍驢車暫許停
駕一年偷署湖山長管領詩壇酒社堂上竿照綵裏宮袍樂事
多牽惹涼秋新夏願舊疾消除身如藥樹習靜壽萱下

泛春游花明柳暗輕舟自緩于馬江鄉十里珠簾卷咲指狀元
來也情多寡擇好句旗亭壁上親題寫春風無價倘妙手傳神
畫來團扇風度定閒雅 清暇日重啓讀書舊舍古人誰足方
駕天公厚意科名美算戀月卹煙社拋酒竿念國士遭逢魏闕
添縈惹翻經長夏將後世評論他年事業料理一鐙下

賀新涼

賀友人納姬

本是多情者百樣爲無情懊惱有情牽惹小社尋春多少恨所

事心纔輸下容易到好天良夜恰是東坡嘗荔日絳紗中白玉
膚斜亞任鸚鵡隔簾罵 讀書倦後填詞罷從此把零愁碎苦
盡情辭謝更有甚于眉嫵事不但遠山新畫須趁取綠窗清暇
再玩愆期歸妹象算今年居士應同嫁綠衣汗向他借

滿江紅

題桑乾送遠圖再送李載庵返滇南二首

春艸蘆溝又加寫旗亭行色比疊到陽關三曲曼聲慟慟盡本
重題言不盡故人相送情難極較桑乾深淺意何如惟君識
車與馬鞭絲勒主與客舫船側埋怨到綠楊絲短繫君無力聚
首不如圖以內懷人只在天之北咽離聲流水最無情何曾息
游子歸來洗鞦韆征衫纔卸浣不盡燕雲寒雪酒痕狼藉蔡順
倍添慈母惜杜羔幸免山妻罵看嬌兒繞膝更思親何年赦

舊檠戟青山亞新棹柳朝暉挂儘經年行田上芻治家儼罷毛
義自應求仕宦向平且漫謀婚嫁捧安車奉母渡桑乾當重畫

水調歌頭

壽徐文

蚤作文中子晚號石徂徠閒數江東名士弟子盡鄒枚堂上六
經諸子杖底千巖萬壑窗對澱湖開梁孟咲偕老兩拜告身來
探龍湫觀禹穴問天台更看廣陵潮勢八月走奔雷傳說種
花仙吏仍是趨庭學士九載舞衣陪宦成奉親去雙舉介眉杯
金縷曲

題王介子先生尺牘卷了後三首

念舊情無奈追數到徐陳劉應一時俱在慰喻綢繆文采麗字
字琅玕金籀述往事時乎難再領海并山爲酒肉過屠門想見

當初快離索感詎能耐
河山隔斷微塵界誰得似雲龍鹿豕
友羣無礙別遠會稀何處夢風雨雞鳴如晦三復矣唏噓而慨
青眼弟兄頭半白二十年古誼推前輩讀此者其生愛

忽廢書而嘆送年華浮沈寂算幾人名宦周黨有時尋閔貢終
日樵蘇不爨或徒倚雪窗螢案舊學商量知已少對前賢敢效
偏師戰越人射感時變功名三十魚龍幻記恩門昔年曾奉
定興香瓣夢繞秦中函丈遠那得長依經幔憶隔歲東華重見
引領雙旌容易別又晨星落落風流散披尺素忍多看

韋曲停雙節聽人謂關西夫子宦情真別畫戟森門香凝寢大
筆重刪中說讀復飲唾壺鼓缺回首西清猶繼綬只十年令僕
輸同列公自立不磨業朝來渭水雙魚接開看處繩窮匣啓
爛然生纈一往情深縈錦字三載衷中難滅有弟子低回門雪

紙尾書名懷抱盡奉緘封儼侍先生側語聲寄隴頭咽

翟耕墅七十

古處饒風雅魯靈光歸然一老琴谿儒者羅隱詩名彭澤品文
學更兼游夏騎馬到廣文階下每向濠梁羨魚樂拂朝衣一咲
歸田也築耕墅結耆社平生游迹方筇把到名山捫蘿剔薜
斷碑全寫太白散金三十萬元振堯夫之亞隱鶴種荃蘭梧櫨
一鳳摩霄一楠竹燦春筵煥進長生尊宮袍彩御香惹

方郡丞掛別圖送赴粵右任

何處相思水桂林邊山城一角伏波巖底插筍牙檣分岸泊淖
溲汀昏沙觜是送客之圖如此作郡幾人從此去翦寒波直到
灘江尾潞河景頗相似方干風度思量起記曾見南昌香令
愷之堂裏十二年來人事改感逝傷離而已問司馬鬢絲餘幾

榕樹門東支手版憶長安夢繞零陵矣題畫者共悲喜

申橙林桃葉渡江圖二首

芳艸如褰帶那更有春江如鏡遠山如黛花月低迷石城艇名
士美人俱載是當日狂奴故態司馬多情親折證看朝雲坡老
真無奈撇擗處可憐太詩情畫意分明在道箇儂傾城顏色
廣陵人在翦燭推篷寒自忍衷已爲卿而賣奉半臂咲披郎背
今夜三星光豔豔護死央不許秋河界夢中語醒還愛
兩樂春風動不隄防夫人愛惜比郎尤重翡翠窗前初識字自
取周南低誦向大婦邊旁隨從鸞侶中年常比翼又新添一朵
桐花鳳引玉燕入香夢迴思江上蘭橈送暮雲邊塔鈴低語
晚風輕控君去枉伊邀笛步橫竹定然三弄料不要桃根相共
試繪洗兒長卷子索同人玉果犀錢奉當再乞畫師朱

金棕亭秋江擁櫂小照

展卷嗟行旅，寫牢愁。碧波千里，一枝柔艣不繫虛舟。天浩渺，飄泊何年纔住。算中酒阻風，情緒十五年來，淮海客扣舷聲中有。傷心語，青篷下聽寒雨。天涯兄弟，離心苦，記當時謝家山館。對君淒楚，得喪紛紛，真偶爾相見。鬢絲如許，數點雁兩行秋樹。不用重尋石城艇，遺繁憂只此堪憑據。載一鶴渡江去。

水龍吟

春江歸釣圖爲王蔗邨太守作二首

何人翦取吳淞拖藍脫寫，春江本山斜翠展。樂牙花繡木蘭安穩。風響菰蒲波鳴，聯盞遠天無盡。念少年游泳釣牀，漁具觸惹處，便難忍。回首故園，櫻筍被東風水鄉牽引。綠楊堤外，餞簫弼鼓，清明天近。碧澗香芹銀刀鮮，鮓歸無津問當時漁弟樵。

兒且未許先生隱

憐魚兒

接平泉玻璃萬頃舊開丞相花墅角巾曾詠澄江練淥淨執經
堂戶春申浦記芳艸褰腰晒褊斜陽罨昔游佳處但一著低回
水邊林際歷歷盡堪數曲江宴忽漫縮人簪組朱輪來往公
府冰衙小署詩人字臣本張谿漁父教畫取畫葉葉蜻蛉歎乃
搖輕舫待持竿縷把卅載忘機臨淵心事細向惠施語

邁陂塘

蔡瞻亭侍御小照

寫風懷分司御史依依射鵬闌曲熏鑪侍女桐陰下添染朝衫
新綠珠幾斛買翠鉤成雙暖老須燕玉畫中看足道舞扇歌裘
不曾真箇新註小名錄人生事大抵煙雲斷續但須舉酒相

屬嬌兒解覓金魚珮還乞老夫詩讀香薺熟待舌本迴甘清味
徐徐復多情杜牧休再發狂言驚迴紅粉咲轉紫雲目

百字令

程仁山夢雲圖

虛無縹緲是因何結想珊珊來矣彩霧香雲留不住留下語言
文字昨夜星辰仙山樓閣主者非耶是女三爲粲姓名歷歷堪
指只恐詠到無題寓言十九別有閒情旨小雅離騷何所謂
香艸美人而已澤畔明珠舟中玉杵信否憐才子士嗟不遇夢
中聊索知己

摸魚兒

張松坪荷淨納涼小照

認田田東西南北碧波魚戲蓮葉藕花亭子新涼後一桁闌干

斜摺人影貼唱水殿風來香與鷗波接
雲千疊想十里平山二分明月中有笛聲擲
縑塵海那覓采芳菱艤漫尋手板支
頰畫樓若許人同倚三尺碧簫應挾冰簟闕
指明鏡中央小夢外央慙銀河難涉只百頃
風潭千章夏木都借畫屏擲

賀新涼

陪礬石先生小飲顧晴沙侍御宅二首

三落蓼蓼鼓記今宵十年師友翦銚而語酒
暎須眉人歡喜那更三星在戶薄醉也平生
堪數廉讓泉清曾共飲古之人默默心相許
茶與薺孰甘苦茫茫何處吾鄉土念江南鴛
花風月可成賓主介母萊妻同此願促買
半山荒墅偕隱者久安貧簞仕宦人生須
自量再因循可有絲毫補難道是怱怱去

沁園春

歸與歸與鍾山之英艸堂之靈看阜屬蔣侯小姑相倚墩仍謝
傳介甫何爭一片江山六朝金粉著我其閒亦有情無名氏是
白馬瑞于東郭先生 有時醉筆縱橫定題徧江南濕翠屏喜
雞犬圖書扁舟安穩孺人稚子壽母康寧畫裏攜家花時載酒
吳越風光次第經緇塵裏問驢車辛苦名宦誰成

賀新涼

曼韻留別紀心齋戴匏齋二首

聽罷蘭臺鼓信從來銷魂惟別黯然難語說禮敦詩周旋久夢
繞兩公堂戶把人物恒沙量數只有惺惺解憐惜是斯文未喪
天公許識字矣者般苦 落紅已葬燕支土算楊花飄茵入溷
年年誰主猿鶴形骸麋鹿性未可久居亭墅況臣是孤生寒窶
袞袞諸公登臺省看明時無闕須人補不才者義當去

沁園春

翰林主人御史大夫文章有靈只風騷跌宕隨時自得神仙游
戲與物無爭紙閣蘆簾錦衾角枕梁孟偏旁著豔情房櫳悄在
琴邊酒畔仍是書生鏡中遠遠山橫又何取偎寒軟玉屏但
填成小令凭肩教授歌來綺語逐字丁寧燕貼香懷蘭鏡好夢
蚤誕嬌兒授六經敲詩夜恐聰明小婢還昵康成

賀新涼

再疊韻柬心齋匏齋二首

水鳥愁鐘鼓問如何惺惺鸚鵡皆能言語燕子顛當誰高下一
樣傍人門戶孤雁把更籌細數蠡蜜蠶絲因何事轉香丸只有
蛺蝶許蟬吸露太清苦百蟲墮戶爭銜土費商量虎威狐假
鵠巢鳩主蝴蝶飛飛迷香國心死那家園壁脫毛羽號寒艱篋

不若蜉蝣衣裳美海茫茫精衛思填補一聲鶴渺然去

沁園春

手斂蕈芽豈有霜毫驅馳百靈算鳴機組織佳人暗解投壺掛
讓君子閒爭咲絕冠纓悲橫蠟淚悱惻纏綿共此情誰堪語只
寒山拾得可話無生華堂霧鎖煙橫看孔雀文章列畫屏是
檐花爭咲儘教春重塔鈴無語只要風寧口鼻談天書休謁鬼
戲注孫陽相馬經蕭蕭路賸江關詞賦愁繁蘭成

百字令

吳江秋色圖

一帆婀娜引孝廉歸舫半江秋水下第情懷初領略未可悲歌
難已健翮方搏霜蹠小蹶況有陳平美豈長貧賤西清正要才
子且去將母吳門尋親白岳一洗淮陰恥惡少年來相問訊

當日餓夫如是家傍垂虹窗橫笠澤小住爲佳耳扁舟散髮春
來我亦行矣

虞美人

秋雨停尊圖爲阮吾山舍人悼亡

疎桐墜葉敲羅幌疑是金釵響小樓鐙暗夢初醒恰好哀蛩低
和雨鈴聲 憐他斗酒收藏久更忍杯當手小山叢桂露應晞
幾夜秋墳人唱阮郎歸

水調歌頭

自題歸舟安穩圖

緩緩弄春水未是急流中月比退飛六鷁那要滿帆風畫裏谿
山不改鏡裏須睂可咲骨相老詩翁瀟洒一官足磊落半生窮
母康寧妻婉婉子童蒙去揀江山佳處小築百花叢醒則奉

觴上壽醉則關門熟睡舊事海天空勿以悠悠說亂我讀書胸
揅魚兒

王琴德比部三泝漁莊冊子

放先生鸞臺鳳閣如何夢繞煙水九峯三泝空濛極移入輞川
圖裏還細指看一桁斜陽網挂魚鰕市釣絲樓底怕闌外沙崩
檻邊湍落鷗鷺暗驚起蒼茫外何處汀唇沙觜輕帆葉葉如
駛誰歎管領湖山者讓與蘆中窮士君莫擬渾不放大魚東海
揚鬚尾御溝波瀾且斫鱸蓬池釣鼇瀛島豈必食河鯉

沁園春

題王蔗邨太守錦瑟詞後

上元夫人碧落侍郎仙緣去來恰銚宵現影銀河吐豔銀銚示
寂鉛淚成灰廿六年光平生慰藉老去柔腸日九迴頭白矣擁

東方千騎鴻案誰偕 三年官閣傷懷怕月轉空樓雨滴階
膝前兒女呼耶作母畫中冠珮減俸營齋五十繁絃百千絮語
雪鬢鍾情更可哀償辛苦有兩株瓊樹三錫鸞回

酹江月

宛平查氏崇禎甲申紀烈詞四首應恂叔太守

清門娣姒周蚤寡行年四十有四張姒年纔三十六有妾廉姬
廿歲三女隨肩筆牀硯匣聽講周南旨瑣窗鐙火幽閒貞靜如
此更有蚤寡之姑適于黃耆攜女歸相倚女亦聰明分硯席
蕙性蘭心無二孟慕神仙仲矜義烈咲問黃家妹妹云母泥得
時皆可爲耳

金縷曲

城破身難辱周夫人中堂危坐放聲而哭查氏家應隨國滅三

世同居此屋列坐者齊聲相屬張母黃姑明大義歎廉姬有母
能兼勗誓殉此一巢覆登堂三女嚴裘束翦香雲藏之羅襖
年俱十六小妹垂髫齡十二就義心情尤篤也不必珍珠淚剝
未死身迴情轉追向梁間舉首如飛鵲死易耳聾吾目

玲瓏四犯

巷戰無人賸雕梁一桁九條羅帕再拜皇天以次從容齊挂賊
至仰視而驚似聽得精靈交罵但吞聲眙篋奔逃不敢臨風呼
咤廉姬小妹還魂亞妾爲尼妹婚而寡殘軀兩兩登臺鬢鬼
伯當時同赦再生已證無生死者無殊生者算清明風雨又到
甲申年也

邁陂塘

古今人貞心烈性捐生大抵如許狗彘紛紛艸間活何必同年

而語休悉數到地覆天翻毅魄難收舉青燐如雨指太僕街頭
阜成門內死算得其所尋榆垓馬鬣鼎鼎相聚還如堂列賓
主珊珊環珮靈旗閃點點神光來去聲激楚聽鬼唱秋墳痛彼
離離黍靡姬季女踏雨朵慈雲生天稍後來趁九蓮炬

四字令

洪兩山烏絲紅裏圖二首

仙郎玉人仙娥麗人烏絲紅裏溫存是迎陵後身冰絃指痕
鵲裘酒痕凍豪底用鑪熏借吹蘭口唇

清平樂

子虛烏有眞箇消魂否揶箇彈箏交玉手唱出曉風楊柳書
生未耐寒酸寄想驚鴻舞鸞何日珠圍翠繞畫中且自尋看

百字令

汪怡齋林於小憩圖

十年前影是碧梧翠竹鸞停鵲峙歲月遷移人事改今有鬢鬢
須矣綵服隨兄壽觴娛母重啓尙書郎 賜書千卷孝廉之樂
何似 記得同住仙源杏壇春永愛看趨庭鯉文石幽篁身左
右遂寫冰顏于此忠孝承家文章報國磊落佳公子不宜宴坐
鶴書將詔君起

送徐靈山宰永川三首

冰銜墨綬是螭螭領賜 聖恩除與天念文翁富儒術教種錦
城花去詩闌蠶叢名題劍閣官是神仙侶川分巴字縣門清澈
如許 好趁江水平安樓船穩便迎到康寧母 叶 仕女褰帷父
老拜想見壺漿盈路酒酌郇筒魚烹丙穴再試斑斕舞尊前上
壽南陔笙曲全補

生才之地有相如賦
艸子雲奇字仙吏放衙還講學人拜南州
夫子郭繞桑麻堂陳琴瑟風俗歸淳美從容爲政平生學可行
已可惜十上公車兩登薦剡纔飲巴江水時昔風流盛文藻
白袷烏巾名士劒拂衡湘氣吞雲夢咲奪曹劉壘登臨回首算
提少年心事

兩牀絲竹比南樓老子興復不淺胸次依稀海天闊彼此低回
青眼十五年情三千里路室邇人非遠范張雞黍家庭真意彌
滿此去灩澦波長戟戱月冷別緒何由遣夢入渝州猿嘯苦
惆悵思君不見兄上新銜弟還初服出處交相勉官成可待十
年歸未爲晚

沁園春

北方有蟲名哥哥者戲咏二首

蟲爾來前爾雅重箋爲伊釋名想公會夫人汝爲齊女晉留重
耳誰是申生孤竹餐薇荆蠻采藥鴻雁關河弟喚兄嗟子季似
乘舟衛壽字字傷情 卑栖愛擇田荆應花萼樓中第幾聲比
苦竹叢邊行兮不得秋風原上急也曾經餅怨婆焦婦稱姑惡
螽蟻綱常友愛并嘈嘈處有闕于牆者慕地心驚

聒聒哥哥南北之人語音不同似蟬翼流嘶未登月令莎雞振
羽不入阻風腹乃皤然背九益爾長腳還堪比相公馬頭上有
半鞍明月聲在其中 秋來紫豆花叢挂紙閣蘆簾鐵馬東向
壺腹藏身請君入甌瓜瓢作餉爲爾開籠蟋蟀窺牀斯螽動股
借亂軍聲十二峯拋殘體任蟻穿雞啄化作沙蟲

清平樂

三邨尋芳圖

尋芳載酒詞客年年有一片江城歸畫手認取連蹊花柳去
尋桃葉桃根艸綠裊腰幾痕遙指第三邨子者番真箇銷魂
賀新涼

會稽令舒澹齋小照

涼意芳塘轉渾不辨姚山稽水有斯池館仙吏退公銷夏處綠
沁玉壺冰盃儘蓮葉田田鋪滿待取紅妝扶翠蓋柳腰肢更比
詩人嬾寄此意共香遠高情琴酒原疎散是才子風流爲政
鸞花句管畫卷詩匳清供好裏有蘭亭真卷不用覓支頤手版
面面蓬萊園几席把荷花勸引歌喉緩加幾箇玉臺伴

宗芥帆惜花起蚤圖

春色濃于酒好園林曦輪未起曙光纔透萬物之初朝氣在沉
值羣芳如繡喚起起畫樓開牖不待雞鳴吟戒旦試仙郎滴露

搓酥手現一隊花間友
生香豔豔交花又免春愁鏡中睂黛
陷頭楊柳恰趁曉妝勻膩臉珠藍咲開檀口儘讓與閒時消受
他日官人頻問夜整朝衣侍史熏香候花殿瑣數聲漏

水調歌頭

自題轉情關院本

萬縷亂愁緒一塊大疑團任爾風輪旋轉難破此重關賢聖幾
多苦趣仙佛幾多惡劫舊案怕尋看細想不能語老淚濕闌干
收白眼持翠管寫烏闌偶譜斷腸情事舉一例千端不管周
郎傾曲誰道醉翁嗜酒作者意漫漫一切有情物如是可參觀
虞美人

劉寶七聽雁圖

秋光好在江空處柔艣聲難住

株殘榭帶蘆汀來趁天邊新

雁兩三聲 此時聽者知多少 生怕閒情攪詩人 倚櫓唱蟬娟
不比江楓漁火對愁眠

蜨戀花

題畫

綠蘿垂幔紅妝繞 妾意君情細細游絲裊 忍把浮名輕換了 淺
斟低唱風光好 檀板鸞喉詞懊惱 郎是青藤妾是迎陵鳥 臉
際荷花開窈窕 笛聲嗚咽雲縹緲

瀟湘靜

薛壽魚屬題雲華校書圖

是人是竹亭亭影看一樣蕭疎情致霜痕粉印謝他移種有湘
江愁淚待寫十分嬌纔寫出一分寒翠畫中如此琴邊香側那
不教郎心醉 卻怪影兒難拆峭風前拋他獨自料應偎倚防

人相妬轉令歡相避日落月生時个个是相思雙字風流贏得
江南詩老爭題本事

百字令

豆棚閒話圖

居吾語汝啓雕龍炙輠談天之口跂腳支頤還袒臂雜坐東西
前後吐舌伸頭聳肩側耳共拍盧胡手古人名姓子虛亡是烏
有試看忽鼓忽歌妄言妄聽推魯皆良友怕問三家邨學者
六四括囊无咎蕉扇驅蚊竹衫收汗星挂疎疎柳先生倦矣豆
花聊以爲壽

氏州第一

紅衣釣師圖

清渭通淮富春采石無聊踪迹相似曳玉腰金賜緋衣錦畢竟

千卿甚事戒衣花一朵
裏點漁郎風致滿裏丹砂
仙人狡獪者般游戲
倒影綠波紅欲算落豔浮
英相餌竿拂珊瑚身騎赤
鯉鏡展新荷菱向蓮舟呼
太乙共點點霜楓同醉孤
鶯驚飛應錯認晚霞飄至

十二時

爲吳姬李秋蓉作應陳竹香舍人請也二首

人生不幸無過此才子美人爲最在
孝女者般狼狽真不解箇中意
柳絮沾泥楊花落溷竟作蘇臺妓
抱浣塵一卷新詩小小銀鉤泣
寫秋蓉名字 恰待得埽眉人至
翠竹碧梧相對鏡裏紅妝月中素
影咲問非耶是料三生石上因緣
豈但今世險做出香銷玉碎自題
小照憔悴釵腳頻敲燭灰將燼總
是傷心淚把斷腸花葉教郎一一
私記

玲瓏四犯

怨海茫茫將此情填作鏡光緣本無可如何淚濕青衫紅粉更
製元璧徵詩乞海內恨人憐憫斷腸詞何補摧殘但屬有情都
肯風流自古無憑準是前因許多傷損脈脈思量當懺悔莫
怨老天殘忍試想今生即便今年今日似卿卿兩箇一般多少
悲忿

齊天樂

水榭話舊圖

兼葭水落闌干下曾照老翁清影水宿非舟陸居非屋賸得三
椽篷艇諸公臺省讓野鶴孤雲煙霞簿領書局隨身死央湖上
是箕顛當時出岫歸林怕獻嘲騰咲終焉此境古鐵舟園小
長蘆屋轉眼憑他兼併兒孫追省守處士蝸廬百年何幸換以

華堂問先生可肯

留客住

商次絳夜雨懷人圖

最悽楚是小樓者般孤另者般蕭瑟又是者般風雨一時愁緒
如織穿入海角天涯情一縷平生知己算今年今夜幾人孤處
誰共語鐵馬含風瓦鐙搖影作弄秋聲那不銷魂如許太息
輕裘公子綠鬢仙郎去留難自主者般時候想有人從此者般
懷汝

賀新郎

咏美人題紅圖爲賀宗芥帆作

霜作青楓色響闌干飛來一片美人初拾拭淨煙痕涼雨暈把
作紅箋輕擘有半縷秋懷脈脈不是嬋娟寫宮怨是新娘學和

催妝什豪欲點頰微赤 雲根一朵三生石小花神嫁他紅葉
此緣真得不用鏡臺低語謔郎貌未過三十願添寫紅衫人立
再拾階前紅一片疊雙聲補入和鳴集郎更有埽眉筆

百字令

童二樹借庵詩意圖

子虛烏有問前生後世我身何在誰是主人誰是客空處向誰
相貸意誰心香雲車風馬都是難酬債偶然佳腳可知庵在身
外一切莊列言詮但增饒舌轉見胸中隘盡取團瓢歸夢裏
夢醒思之無奈知覺因緣虛無起滅甚矣詩人憊還他一卷先
生無挂無礙

齊天樂

又題二樹討春小照

問誰修到梅花者。輪君獨能如此筆。吐寒香。意橫疎影。身作槎牙。斜倚江邨。遙指道雪滿千林。好春來矣。翻把扁舟載將人去。與花比。花枝較人何似。恐朱顏玉骨。不如人美。冷韻幽情。素縈芳信。總在詩翁就裏。丁丁玉齒。儘細嚼微吟。共花眠起。驢背酸寒。論風流讓爾。

賀新涼

次韻題平確齋桐陰引鳳圖二首

樹影過簾柱。記當年紗幮眠起。花甌共數十載。鈿車隨阜蓋。聽徧江湖涼雨。把一卷循良新譜。綴向和鳴詩稿。後夜吟聲響答。蟾宮杵。酬唱樂者般。嫵雲霄小。謫瑤臺侶。拭端谿。允矣錦硯。采豪雙舉。玉茗穠開香寢。畔樓外蒼然平楚。過嶺覓珠娘。鸚母初試梅花妝。頌樣美人蕉。紅傍疎櫺吐。仙螭狻掩堂廡。

咲別丹砂鼎寫仙官歸來句漏移家相等新築鑑湖三畝宅合
署蓬萊行省暫住也老天纔肯小院涼生人並坐海棠紅偎熱
秋蘭冷靠一樹梧桐影 讓人迺迺終南徑好夫妻讀書雙眼
都如明鏡雛鳳聲清依老鳳總角定簪紅杏背經史銀餅聯遊
階下宜男花又吐小麒麟以次爭馳騁添幾箇擎珠賸

沁園春

題吳方向刺史汴京紀游二首

此事屬詞敦厚溫柔春秋國風是司馬游梁年華正富虞卿解
印著作彌工良嶽煙雲樊樓鐙火一代興亡在此中遺聞瑣便
箴縫錦納綢綴魚蟲 敲來幾點晨鐘更勘斷森嚴審異同歎
東京鼎盛歡場易散中原事去夢境全空元本觀圖婆留索地
天使吳山易汴宮一杯酒又一聲長笛才子英雄

西六十年人物風光天中勝區看金明池上秋涼洗馬玉津園
裏日落唬烏廣武興悲夷門墮涕七十侯生尙在無傷心處比
洛陽宮闕一樣荒蕪 幾番搔首脚躡便寫向旗亭補說郭似
阮公講學淹留尉氏班生作賦歎美東都調語丁寧叢談細碎
入手皆成一串珠誰更要寫開元遺事南宋新書

金縷曲

周虎木小照

燕居而坐是力田孝弟明經才子九命文章憎蚤達卅載三冬
文史四韻敲槃萬言倚馬捷敏誰能似登樓入幕書生聊復如
此 但須紅袞添香綠衣司覲何物誇金紫聞道更番吟錦瑟
贏得佳人畫裏媚矣三姝豔哉三婦粲者皆予美唐書再撰大
臣將薦君起

添字漁家傲

程筠榭柘谿漁父圖二首

門前百頃魚鰕國老屋三間收取風潭色小作栖遲非隱客誰
拋得五湖一片揚州白 咲聽漁歌紗帽側雨笠煙蓑不是閒
標格赤壁襟懷風月笛勞筋息傍人漫認天隨宅
畫船簫鼓江南路并井涼煙恰引乘鸞霧璧月瓊枝聯玉樹歸
來去處央一對隨鷗鷺 桑柘陰陰簾影護畫裏人家可便完
婚娶寫向輕綃題好句雲水暮花源那許漁郎誤

燭影搖紅

胡孝廉翦燭雙書小照

池館涼生晚風吹月黃昏乍誰拋小鏡貼鷗波扇影羅衫亞兩
朵珊瑚筆架對沈吟玉纖齊下雙聲疊韻鸞鳳和鳴倩他描畫

越國江山潞河煙景都無價蓮花莊子且安居過了今年夏
明歲山江宴罷彩豪簪釵梁同挂天街歸後御燭光搖細君歡
逐

金縷曲

題陳玉池小照

溟滓空無際有人受白玻璃界最初之氣展放槎牙玉龍影凍
蒞疎疎纔試只數點心含天地不管百花何日綻在雪中未問
調羹事約鴻爪共游戲揚州官閣蕭然寄任喧闐淮南鐘鼓
竹西歌吹夢繞林家三萬樹香沁冷魂皆醉爛嚼也冰融珠碎
便欲身居水精域講孤高兀傲皆無謂誰解寫箇中意

雙雙燕

定郎小影爲金棕亭作

忽然縈繞似飛絮沾泥落花依艸凭肩握手著處粉匿香繞又
浴向清華沼學睡醒死央偎靠恁般匿咲迴身背面教郎看飽
誰遣離情相攪要鏡裏藏春雪中留爪丹青現影長貯春雲
容貌十七年來何處怕也似徐娘已老賺將詞客癡魂展卷一
齊銷了

探春慢

同老圖

桐帽棕鞋谿翁園叟六枝靈壽藤穩臨水登山尋花踏月鶴鹿
銜芝相引共說昇平事同看徧晚菰朝槿喜無雜姓幽栖敢說
一家肥遯正德年閒諸老算比並前賢後先招隱宗法家規
衣冠禮讓伯仲兒孫相準耆舊黃山錄羨遺韻風流未盡入畫
須眉儘人摹作真本

賀新涼

題盧竹圃詞本後二首

公子年華妙寫烏闌清詞麗句者般精到小劫滄桑一番過只
許方平微咲纔數徧亂山殘照廿四橋邊重徙倚玉簫聲不似
當時調江滾滾發長嘯淋漓醉墨多憑弔怕聽他牀邊蟻鬪
枕邊驢叫記我扁舟尋噩夢紅杏枝頭曾開恨不倚郎君烏帽
文字因緣遲廿載但惺惺相惜還相勞請釋憾算終拗
去飲餘杭酒似文簫彩鸞夫婦雲中攜手家具而今無長物並
少圖書雞狗是萬象皆空之後憂患化倚生水火轉靈丹鍊到
功夫九藥成矣漫迴首斷橋殘雪蘇隄柳定新居水光山色
好安門牖稚子孺人共歡喜慈母頻開咲口便永久康寧長壽
題徧西湖僧寺壁看明年柳汁霑衣裛陳平壻困非久

定風波

高東井陳蓉圃聯句小照二首

韓孟韶年可得如，竭來東野井邊居。
展放桐陰遮別館，青滿仙郎開現兩芙蕖。
冠玉姿容文字伴，裙阮清詞麗句吐。
徐徐鸞鳳交鳴吹六管，長短雙聲搖曳響瓊瑤。

雙鳥奇文二鬼詩，吟來不剩少年姿。
爭及風標兩公子，如此謝莊王戎比肩時。
他日鬚鬚看不似，就裏者般情況好尋思。
合璧連珠稱二美，歡喜杏花簪鬢教遲遲。

邁陂塘

秋萍

寫秋光難尋，正練濕銀猶被輕葢不放樓臺。
漫空闊換了荷花，世界煙水礙待翦出鷗波。
那有并刀快黏天無賴，怕鋪滿明河。

誤他烏鵲接狻碧雲外 遮掩處牽惹荷釵襲帶凌波靨子偷
晒鏡裏山痕無一點誰見秋娘斜黛飄泊債有蕩子離妻種種
傷心在許多機械算蛟落寒罨蟹迷新蘄更比網羅壞

四字令

高館疎桐爲王梅軒作二首

修篁翠排疎桐翠指滿檐天樂飛來是琴材笛材 珍珠迸階
玻璃溜苔白雲滿地皚皚聽泉聲暗迴
凭軒憶誰凭闌待誰幽人雅擅臨池是羲之獻之 香絲鬢絲
簾絲釣絲此閒少住些兒看山泉出時

蝶戀花

引鶴圖

妾意君情花遠近轉眼胎禽卻被松枝引再訪玉眞雲路隱人

閒祇有情難盡 鬢影衣香留畫本寫自何年色韻都相準打
鴨隨雅天最忍柔腸算被相思損

賀新涼

送汪劒潭學正歸揚州

所事俱停妥挂帆天澄江如鏡好風移舵略現烏紗紅裏影才
異鴟夷一舸有篷底比肩人坐咲對明妝理琴瑟畫秋山兩簾
青斜簾小姑髻並鬢鬢 心情比較來時可到慈闈文苑一對
金萱一朵卻趁春來邸及第鏡裏芙蓉阿儻要一品朱衣雙裏
只合移家紅軟住待賢妻問漏卿卿我我魚珮向青瑣

餞鍾介伯孝廉返越卽送春試二首

買定秋江艤鯉魚風三朝三暮把君留住已是離情禁不得幾
陣芭蕉愁雨十二載惟吾與汝貧病更番相倚苦又兩年同臥

歸來聖稱眷屬到兒女 多君有母鴈頻舉巖巖顏芝房列饌
身如藥樹苦憶并州山水窟攀挽慈裾未許向馬廐蘭亭歸去
舊路分明魂夢熟艸黏天南浦連東浦平安字雁邊取
別我梅花含蕊離心琴絃張壁書燈留架教得三雛皆振羽費
盡先生冬夏算浙吏公車將駕有策金門當再獻董生惟久向
藏園下報慈母鵲聲乍 愆期歸妹多年罷鬢鬆東家醜女
明年重嫁咲整朝衫隨鵲立榜出天門光射看一桁宮袍花亞
聽唱郎君名字好是鍾生及第當頭謝越潮湧又東瀉

次汪劒潭韻題管平原梅花

獨立空山影認夫君頰唐風致峭寒心性長劒高冠布衣叟洗
盡人閒金粉似老樹著花齊整四世三公好枝葉讓先生破屋
眠欹枕調羹信漫催警 雪欺霜壓能安穩抱孤芳儘教人看

儘教人咏蚤放遲開隨氣候爭甚南山北嶺合併我堂東玉茗
檀板金尊歌翠羽好些時忘記冰天冷不用寫探春艇

疎影

題吳仲圭竹譜不全卷子爲張晴谿作

疎枝嫩葉放煙梢數寸褰褸鸞羽半幅霜縑幾叢寒碧知被誰
家割去一樣簞簞憐偃蹇算仍仗坡翁記取認至正己丑之年
畫日將逢端午想見湖州老友偷彈斑竹上淚痕如許遺墨
流傳古意蕭疎中有夜風涼雨得酒枯腸芒角出馬遠殘山難
補勝襄陽半個人兒愁煞梅花庵主

忠雅堂文集卷三十

南北雜曲

鉛山 蔣士銓 心餘

按先生院本十三種先乘刻行世此雜曲尚多散佚今增於詞後另編二卷

忒忒令

中秋對月

甲子

揭雲衣銀河沈瀟護闌干玉繩低繞尖風一縷作新寒料峭暢
好是畫屏虛紙窗明珠簾淨平分秋意了

沈醉東風

試霓裳星娥秀韶靚明妝麗華年少垂玉佩颭雲翹菱花鏡小
啓冰匳寒光清皓金波暈潮天香細飄瓊樓十二看煙橫霧搖
園林好

轉迴星流螢暗飄訴鳴機清蛩細號正烏鵲南飛縹緲人寂寂

境蕭蕭秋瑟瑟夜寥寥

嘉慶子

畫班姬新製團扇小
看水浸銀屏挂玉濤
笙鶴瑤天虛繞虹彩
斷兔丸燒蟾影澹雁聲高

尹令

灩清樽玉山誰靠弄清光
玉人誰照倚清聲玉簫誰教風月淒
清秋夢平分廿四橋

品令

癡頑自憐難作桂花樵
鸞鵲良夜路迢迢風流格調一往
縈懷抱珊瑚環珮何處天風吹掉博得個月地雲階仙女仙郎
總姓蕭

豆葉黃

淒清院落瀟酒亭皋漫思量紅甲銀箏漫思量紅甲銀箏總負却胡牀清嘯西樓腸斷南樓興豪似這等看絲禪榻似這等看絲禪榻誰耐得酒醒鈴殘月夜花朝

月上海棠

橫露梢虛窗寫个愁人照歎江郎夢裏紙悴花憔悴禮愁魔禪板書巢結愁窩筆牀茶竈香絲裊賺魂靈何處今宵

玉交枝

露濃風小碎情懷千條萬條悲秋宋玉空年少苦十載龍頭破帽乘鸞豔福愧文簫書空薄命憐殷浩伴人愁詩瓢酒瓢帶人愁藍橋鵲橋

玉胞肚

秋光懊惱紙窗櫺桐花亂敲天柱峯寂靜仙音采石磯嗚咽宮

袍天河忽瀉廣陵濤玉宇瓊樓一樣高

三月海棠

狂思豪情多難脫風魔套問閒人作麼輕薄相嘲無聊色絲幼
婦題公嫺鳥闌黃絹歌儂懊臨邛道司馬橋想箇人無奈可憐
宵

江兒水

金井梧桐老銀牀絡緯么秋聲纔向窗西弔砧聲又自闌中擣
琴聲漫對牆東操自按歌頭水調法曲淒涼唱徹霜天角曉

川撥棹

銓花悄海棠魂秋夢小滴珍珠淺注蒲桃滴珍珠淺注蒲桃玉
錢低金鑪篆消凍蓮花漏細敲盼仙槎夜轉遙

尾聲

紅牙譜就相思操，寡書生嫦娥同調。辦一炷名香，先將法喜招。
刷子帶芙蓉。

題小李將軍樓閣卷

應是月明中，疏窗未開殘夢。方濃待暮，他十二闌干，誰偷寫一
角。離宮珍重，南薰殿銀壺尚湧。景陽樓鐘聲未動，荷花自懂盼
天明。枝枝都帶五更風。

漁鐙映芙蓉

遠香微清，霜重誰把閒愁著。意相送話秋聲，一樹新桐聽軋轆。
初凍間，昭陽幾處雲和弄。畫檐端樹色朦朧。丁東宮簾忽控，正
秋衾銅輦人方夢。奈銀漢紅牆路未通，白榆休種。望長門這般
樓閣在虛空。

香徧滿

題鈿郎花陰撫笛圖爲王夢樓太守作

柳綿初定白玉闌千幾摺橫倚着箇人兒花現影是秦青紅牙板暫停烏闌譜乍成不語把東風凭

懶畫睂

霜筠尺半捻來輕纖指偷藏七點星移宮換羽太聰明他生來占就香爲姓還愛把紫玉釵兒做小名

二犯梧桐樹

能歌絳樹聲怕比櫻桃鄭隨侍仙官把法曲商量定作一箇雲窗羣靈熏衣鼎作一箇雪案司書照字螢爲甚麼些時畫裏人孤另敢立盡花陰把探花郎等

浣紗溪

闌侵鏡柳蘸萍好風懷年光乍經是滇南萬里官衙靜是湖上

三更月榭清心暗省待將馬淑風流問李卿柳宗元眞箇多情

劉潑帽

喚丹青添上箇官人倩教你畫兒中減字偷聲若得嫩芭蕉幾
滴雨同聽便和你翦紅鐙重譜个相思令

秋夜月

風送迎一字字調和正似朝元散序依牆聽似龜茲入破當筵
勝把花魂吹醒把花心吹定

東甌令

鶯低轉龍怒鳴一縷情絲去又停非花非霧將人疑去聲在玉指
中間迸須與裂竹兩三聲林際數峰青

金蓮子

誰似卿漫說那紫雲婀娜楊枝倩合讓這男貞似女貞辛苦他

種花人却朝爲穎士暮康成

尾聲

浸雕檐月影移花影怕有个玉堂人愁聽過牆聲孤負了這花
月闌干不共凭

繡帶兒

題仇十洲華清出浴圖

纔收起一堆晴雪梨花帶雨些些拭羅巾雨暈微乾繫湘裙花
影難遮瞧着煙迷暖玉剛半截漏春光似澹雲偷月蓮房小凝
酥並刻渾不是隔中單的紅綃全卸

前腔換頭

也邪迴身處三郎笑瞥歡如魚戲蓮葉交波起錦鞵才兒橫似
後卸盒重揭扶掖新荷出水珠乍瀉沁華池玉魚應熱樓東豔

齊紈自遮空，佇好淒涼的玉階明月。

東甌令

仙音部教陳設一片紅氍毹，階下帖永新娘子梨園姐，還倚个簪
篸妾。曲江風味較爭些少箇八姨車。

秋夜月

花影斜好煞驪山夜，細把霓裳羽衣疊當頭一片長安月。辭王
呵醉也壽王呵睡者。

尾聲

玉獅兒不解，燕中劫禁持定雪衣娘，慧舌還只怕小溫泉洗不
退漁陽亂兵也。

梁州新郎

題辭素素自寫弄簫小影

朱闌三摺幽花一徑留下當時人影竹香蘭露玉簫低度誰聽
漫憶乘鸞煙霧踏翠郊原總是傷心境怕迴風吹去也斷腸聲
慚媿于家紫鳳笙秦樓換巫雲凝可憐宵燕子今番定思往事
向誰明

半螺殘墨一邊明鏡自寫空庭愁影長齋繡佛中年應悔多情
爲甚彭家宣慰李氏征蠻也有風流性賺金錢遙賣我恨馮生
把畫像流傳各峒營流星度金丸送謝揚州陸弼弓衣詠省識
處臙丹青

前腔換頭

錄煙花北里娉婷記風月南都解領秦淮四美幾人能似看生
痛煞修微不壽宛叔無終一樣桃花命剗風憐惜五共飄零晚
伴閨堦獨照螢連檣宴千金聘笑河東錯守溫郎鏡羞錦瑟怨

湘靈

節節高

眞眞畫裏形夢耶醒算依人喜到商邱定
眞溪詠丹叔肇看宜稱洛神單許陳王迎新聲更許山卿聽廿四橋邊不須經依稀鳳珩參差應

尾聲

呼之欲出將何贈捧一串明珠換小名還覓个善繡鍼神傳出夜來影

好事近

黃樓

題東坡游跡四帖爲翁覃溪學士作

風月故依然舊彭城畫中重見槎牙雉堞有三丈怒濤曾捲瀟湘河決熙寧漫衍集千夫畚鍤雲連才把个黃樓高建掩映著

雲龍山峻戲馬臺偏

千秋歲

憶當年詠河復開華宴擺列着猛士詩人盡冠冕
弔楚漢英雄
楚漢英雄看太守斜披領羽衣新翦明月上迴歌扇橫笛奏魚
龍衍醉拍闌干徧笑指那跳波斗落百步洪掀

錦纏道

雪堂

記元豐謫蘇公黃州燕居何處是吾廬馬先生築南堂繪雪牆
隅臨臯亭漸移來花木扶疎天慶觀新遷去几席寬舒赤壁畫
菰蒲向樊口頻沾綠醕賓客洗兒初喜朝雲生男如父畫叉錢
何惜費青蚨

朱奴插芙蓉

坐岐亭花迎老夫共方山禪參初祖念朝右端人半黃土鄭公
亡潞公解組元修甫且相於宴如把菜根閒來且嚼慰羈孤

梁州新郎

白鶴峯

朝衫初脫籃輿過嶺闕遍炎荒風景會江樓小相依嘉祐窗櫺
最愛白鶴峰閒無邪齋靜新鑿甘泉井秋來家具足謝居停荔
子垂垂拂戶青碧落洞堪游騁倚枕榔願作遨頭領真一酒共
酩酊

柰子花

翟秀才新盃朋簪住西鄰周旋醉醒歎風搖落花朝雲初暝任
東君添些愁病孤影念往事不堪追省

降黃龍

載酒堂

僭耳山陽逍遙堂側新築行窩堂名載酒軍使頻來仙官好其
顏酡經過黃昏歸去烏觜吠松明夜火認茅檐冠欹椰子醉影
婆娑

前腔換頭

瞧科殊鄉奈何有符秀才來黎先生坐荷葉深杯天冬酒熟恰
好亭名洞酌摩挲瓶笙琴枕伴五色飛來仙雀好風光今年媚
煞東坡

金落索

坡仙黃州旅居圖

文章薄宰官團練新衙換別弟陳州去問黃泥坂西風料峭寒
劍空彈新恩雲山取次看才過謾謾松濤岸更下泠泠瓜蔓灘

堪長嘆從來行路最艱難
好些時影壓愁鞍
詩付雙鬟唱徹
陽岸

江城百姓週官廨
三楹置圖書
位置皆將就
閒居屋打頭
訪隴邱風月
吸亭供宴
搜春陰沽酒過樊口
秋雨尋詩憶密州
笙歌淡向朱陳邨
裏其嬉游
借行窩天慶句
留定惠淹留到四
照亭邊候

勻脂綻海棠
恰稱朝雲傍
翠袖紅肌現
絕世佳人樣
歎無人獨自芳
炫新妝
石上靈芝吐
異光雞蘇味
美朝堪餉
蜜酒餅輕夜
對嘗閒情放
詠洗兒詩
就付姬旁
遣心情竹嘯
軒涼菩薩泉香
倚鐵柱扶身杖

嗟哉馬正卿來作同聲應
新闢東坡栽
偏山茶盛扁舟載
月明笛飛聲
羨赤壁襟懷
兩賦情
花飲三朵仙人鬢
萊煮元修野老

人天證笑偏從貶謫見生平不多時栢石圖成奏凱歌停喜
戎馬洮西定

尾聲

堂開雪壁堪乘輿管領黃州風景漫迴首臨臯第一亭

太師引繡帶

題張瘦銅檢閱荒莊感舊圖

庚子

好青山付與兒孫看感滄桑又到歌殘酒闌喪中文曾彈權相
手中笏待擊螭茲歸田柴門流水真疎散猗鷗驚全拋名宦楚
裘小有瓜棚藥欄任漁樵把作

去聲平泉莊玩

三學士

翠竹蒼梧圍別館是詩人當日柴關圖書身後遺千卷花木春
來賸一欄想見前賢耽靜簡雲出岫鳥知還

指點山樓支手版衙門雞犬平安兩朝鶴駕門閭煥六代簪纓
掌故嫺重向鳳皇池上展翻新譜寫烏闌

粉蝶兒

題陳其年先生填詞圖

黯澹冰綃卷中人一雙遺照儘流傳把玩魂銷後視今今視昔
不勝憑弔莽風流大抵無聊寫生時已曾知道

叫聲

當日箇低回處倩人描細瞧細瞧看風鬟雲鬢曼待填成綺麗
數篇詞便留下風情一幅稿

醉春風

烏闌紙漫鋪開錦地衣平展著玉人此處教吹簫到如今可也
老老莽添來白髮蕭條厮趕上紅顏憔悴都併入丹青枯槁

迎仙客

千金字五色豪細認詩人陳檢討比東坡對琴操月夜花朝消
受風光飽

紅繡鞋

把筆處歡譁微笑搆思時吟鬢斜搔移宮換羽自推敲歌來仙
吏校傳去解人鈔付卿卿共評度

替天樂

想當初覆壁趙岐藏別舍程嬰保亡命在晉城筆陣錦雞如梟
廿年家埋頭伴蠶魚一旦的曳履游蓬島中開吳市學吹簫攜
著個小雲郎天涯流落不多時燕子歸巢又引出新詩作美多
謝梅梢

石榴花

玉堂僂傍可見嬌不但鄭櫻桃把酸寒風味變清豪嬋娟同坐
了雙頰紅潮一聲聲低和迎陵烏酒醒來何處今宵助風魔狂
繁詩詩老問緇翁豔福怎能消

剔銀燈

片時石火光搖多時粉黛容凋轉瞬閒詩翁題品詩翁弔捧琅
函仗後人守護堅牢一任把香篆燒酒酸澆可還有低拍紅牙
按綠么

蘇武持節

一樣古人才調甚富貴難相較渾不是寫麟臺容貌畫凌煙臉
鴈燭三條冰一條誰家史席紅妝繞甚處經帷女樂飄愁鬢刁
騷半生來送窮文十易稿

紅衫兒

生逐鶯花老死憑風月弔魂枉勞夢枉勞幻泡從何我愁也拋
恨也拋一代才華過了

煞尾

畫圖魂難將前輩招史書堆且睡書跌覺可憐他冷風煙埋滅
盡詩人照丁屬你個太守收藏莫令這幻影兒都亡了

太守謂先
高孫雅也